

UniversidadeVigo

CAMPIONATO GALEGO UNIVERSITARIO DE ORIENTACIÓN 2026

Pontevedra, 7 de marzo

0.	SAÚDO	3
1.	ORGANIZA.....	3
2.	LUGAR DE COMPETICIÓN.....	3
3.	PARTICIPANTES	3
4.	INSCRICIÓN E PRAZOS.....	3
5.	MODALIDADE DE COMPETICIÓN.....	4
6.	HORARIO	4
7.	CARTOGRAFÍA E TERREO	4
8.	CATEGORÍAS.....	5
9.	DISTANCIA, DESNIVEL E CONTROIS.....	5
10.	SISTEMA DE CONTROL	5
11.	CLASIFICACIÓN.....	5
12.	PREMIOS.....	6
13.	SEGURIDADE E PREVENCIÓN DE RISCOS	6
14.	COMITÉ DE COMPETICIÓN	6

0. SAÚDO:

A Universidade de Vigo por medio da Área de Benestar, Saúde e Deporte, convida a toda a comunidade universitaria a participar no Campionato Universitario de Orientación, que se celebrará o vindeiro 7 de marzo de 2026 no Campus de Pontevedra.

Esta xornada deportiva pretende ser, ademais dunha competición, unha oportunidade de encontro e convivencia entre as distintas universidades, fomentando a práctica deportiva e os valores propios do deporte universitario.

1. ORGANIZA:

Organiza a competición a Área de Benestar, Saúde e Deporte da Universidade de Vigo

A persoa de contacto será Eduardo Rodríguez, Técnico de Deportes da da Universidade de Vigo (eduardo@uvigo.gal / 600566491).

2. LUGAR DE COMPETICIÓN:

Lugar de concentración e centro de competición: na Facultade de Ciencias da Actividade Física e o Deporte do Campus de Pontevedra.

O campionato realizarase na Illa das Esculturas e Campus Universitario de Pontevedra.

3. PARTICIPANTES:

Poderán participar neste campionato todos os membros da comunidade universitaria (estudantes, persoal de administración e servizos e persoal docente e investigador, sen límite ningún de idade) das universidades da Coruña, Santiago de Compostela e Vigo.

Será responsabilidade dos Servizos/Áreas de Deportes de cada unha das universidades comprobar a pertenza das persoas inscritas á súa comunidade universitaria.

4. INSCRICIÓNS E PRAZOS:

A inscrición realizarase a través dos Servizos/Áreas de Deportes das respectivas universidades.

As universidades da Coruña e Santiago de Compostela remitirán as súas inscricións á Área de Deportes da Universidade de Vigo por correo electrónico a deportes@uvigo.gal antes das 23.59 h. do venres, 27 de febreiro de 2026.

5. MODALIDADE DE COMPETICIÓN:

A proba disputarase en modalidade Sprint.

O formato constará dunha proba clasificatoria e, en función dos resultados obtidos, dúas finais: **Final A e Final B**

A normativa e regulamentos aplicables serán as establecidas pola FEGADO (federación galega de orientación) e FEDO (Federación Española de Orientación) para a tempada vixente.

6. HORARIO:

Sábado 7 de marzo de 2026.

- 09.00 h. Apertura secretaría e acreditación dos/das participantes.
- 10.00 h. Saídas proba clasificatoria.
- 12.00 h. Saídas Final A e Final B.
- 14.00 h. Entrega de premios

A totalidade da competición desenvolverase en horario de mañá.

7. CARTOGRAFÍA E TERREO:

A proba desenvolverase nun terreo maioritariamente urbano, que inclúe o campus universitario de Pontevedra, con amplas zonas de herba, edificacións docentes e unha densa rede de camiños e espazos abertos.

O percorrido inclúe tamén tramos pola Illa das Esculturas, caracterizada por zonas verdes abertas, camiños ben definidos e a presenza das pedras e monumentos escultóricos propios do espazo, así como unha parte polo casco histórico de Pontevedra, con rúas estreitas, prazas e outros elementos urbanos que requiren unha boa lectura de mapa e elección de ruta.

Empregarase cartografía a escala **1:4.000**, equidistancia 2,5m elaborada conforme á normativa **ISSprOM 2019**.

Trátase dun terreo rápido, sen dificultades técnicas destacables, no que a precisión na navegación, a correcta elección de ruta e a capacidade de manter alta velocidade serán determinantes.

O tráfico permanecerá aberto durante a competición. Os/as participantes deberán

respectar en todo momento as normas de circulación como peóns. Estableceranse pasos obrigatorios debidamente sinalizados para o cruzamento dalgunhas vías principais, sendo obrigatorio utilizala. O incumprimento destas normas poderá supoñer a descualificación.

8. CATEGORÍAS:

Haberá dúas categorías: Homes e Mulleres.

9. DISTANCIA, DESNIVEL E CONTROIS:

Información a publicar no boletín final.

10. SISTEMA DE CONTROL:

Empregarase o sistema de control electrónico SportIdent.

En caso de fallo do sistema, aplicaranse os procedementos recollidos na normativa vixente.

11. CLASIFICACIÓN:

Estableceranse dúas clasificacións individuais, unha por categoría, e unha clasificación por universidades.

Os/as participantes clasificaranse para as finais a través dunha proba clasificatoria, na que serán distribuídos en carreiras equivalentes.

O número de participantes clasificados/as para as finais será igual ao cincuenta por cento (50 %) do total de persoas inscritas ao peche das inscricións. En todo caso, reservarase un mínimo de tres prazas por universidade e categoría.

Celebraranse dúas finais, Final A e Final B. Os/as participantes da Final B clasificaranse sempre por detrás dos/as participantes da Final A, independentemente dos tempos realizados.

A orde de saída das finais establecerase en función do tempo obtido na proba clasificatoria, saíndo en primeiro lugar os/as participantes con peor tempo e en último lugar os/as participantes con mellor tempo.

O resultado final da competición será exclusivamente o obtido nas finais. Para os efectos da clasificación por universidades, computaranse unicamente os resultados dos/das tres mellores participantes de cada universidade, e categoría, que participen na Final A.

12. PREMIOS:

Entregaranse premios aos tres primeiros clasificados e clasificadas de cada categoría, así como ás universidades participantes.

13. SEGURIDADE E PREVENCIÓN DE RISCOS:

Os/As deportistas participan na proba baixo a súa propia responsabilidade, asumindo os riscos inherentes ás carreiras de orientación a pé.

Será obrigatorio pasar polo control de meta, aínda que se abandone a proba.

14. COMITÉ DE COMPETICIÓN:

O comité de competición estará formado por un representante de cada universidade participante.

O Comité resolverá as posibles reclamacións de acordo coa normativa vixente.